



UNIVERSITÄTS-
BIBLIOTHEK
PADERBORN

Orator Christianvs Caroli Regii E Societate Iesv

Reggio, Carlo

Romæ, 1612

Gloria Christi Ascendentis, & Iudicantis. cap. 14.

[urn:nbn:de:hbz:466:1-68672](https://nbn-resolving.org/urn:nbn:de:hbz:466:1-68672)

& viuit ex virtute; Et docet Christum mortuum esse ob peccata, resurrexisse autem propter iustificationem nostram, hoc est, licet Christi mors operata sit ac meruerit remissionem peccatorum; & consequenter iustificationem, quia non est peccatorum remissio sine iustificatione, tamen nisi post resurrectionem, & prædicationem mortis, & resurrectionis non iustificatus est mundus, iuxta illud, oportuit Christum pati, & resurgere à mortuis, & prædicari in nomine eius: penitentiam, & remissionem peccatorum, ad quam secuta est iustificatio: Itaque verum est mundi conuersionem totamque Christianæ religionis fidem ac titulo resurrectionis inniti.

Gloria Christi, Ascendentis, ac Iudicantis. Cap. XIV.

Tertius sit locus, Ascensio Christi & sessio ad dexteram Patris, eiusque gloria. Hinc primum eliciet Christianus orator, & colliget summam Christi gloriam & exaltationem, vt eam adoremus, & ante ipsum iubilemus, sicut Beati in caelo procedentes coram agno, cantant post eum canticum nouum: nihil enim est aliud ad dexteram Patris eleuatum esse, quam super omnia bona constitutum esse, & omnia ei subiecta, vt Paul. docet suscitans eum à mortuis & constituens a dexteram suam in cœlestibus, super omnem principatum, & potestatem, & virtutem, & dominationem, & omne nomen quod nominatur non solum in hoc seculo, sed etiam in futuro, & omnia subiecit sub pedibus eius; tantaque est hæc Christi hominis gloriosi potestas, & gloria; vt Apost. adijciat illa verba. Cum autem dicat omnia ei esse subiecta, sine dubio præter eum qui subiecit ei omnia. Hoc autem satis clarum esse videbatur etiam si ille non diceret, quis enim nesciat Deum non posse vili rei creatæ subijci? sed hoc modo loquendi, vult innuere, nihil omnino esse, quod non ei subiectum sit, vt dixit ad Hebr. ac si cogitemus omnes cœlestes, ac terrestres creaturas, & totum simul mundum esse anulum quendam, Christi verò humanitatem esse anuli gemmam inestimabilis valoris, & precio superare totum mundum simul. Per hoc mysterium maxime Fides Catholica confirmata est primum in Apostolis, Deinde per eos in toto mundo; Audi B. Leonem; Ipsi Beati Apostoli (ait) qui tot miraculis confirmati, tot sermonibus eruditi, atrocitatem tamen Dominice passionis expauerant, & veritatem resurrectionis eius, non sine hæsitatione susceperant, tantum de Ascensione

sione Domini profecerunt, ut quicquid illis prius intulerat me-
 tam, verteretur in gaudium. Et subdit, tunc igitur filius homi-
 nis Dei filius excellentius sacratusque innocuit, cum in pater-
 ne maiestatis gloriam se recepit, & ineffabili modo cepit esse
 diuinitate presentior, qui factus est humanitate longinquior.]
 Rursum ex eadem gloria Christi nostram colligimus, ut Paulus
 facit: Deus autem qui diues est in misericordia, propter huius
 charitatem, qua dilexit nos, & cum essemus mortui peccatis,
 conuincit nos in Christo, & conresuscitauit, & condesere fe-
 cit in celestibus in Christo Iesu, ut ostenderet in seculis super
 uentibus abundantes diuitias gratia sue in bonitate, super
 nos in Christo Iesu. Vide quanta misericordia, quanta chari-
 tas, quanta gratia, quanta bonitas, ut dicere possimus, nostrum
 est quod ad dextram Patris sedet super omnes Angelos. Vide
 quanta nobilitas, & collige quantum in nobis uita sanctimo-
 niam, tanta exigit dignitas, ut recte idem monstret alibi si con-
 surrexisset eum Christo, qua sursum sunt quarite ubi Christus:
 est (scilicet frater noster, & caro nostra) qua sursum sunt sa-
 pientes non qua super terram. Ex hac item Christi sessione ad Pa-
 tris dextram meriti existit in nobis magna fiducia, & memores
 nos habere tale meritum, quae aduocatum, qui assistat uultui Pa-
 tris pro nobis, quid enim melius poterit? (ait Bernardus) si-
 lio Patris ostendentibus & uoluerit. Quae fiducia eo magis au-
 getur, quia scimus praesentia Christi aca esse in celo, qui non
 absit eius regimen, & praesentia ubi Ecclesia militat, quia non
 potest mentiri qui promissit dicens: Ego uobiscum sum usque
 ad consummationem saeculi. Certissimus scimus ab ipso proueni-
 re quae in nomine dona in Ecclesia conceduntur, dicens Paulus
 Ascendens in caelum captiuos duxit captiuitatem, dedit dona
 hominibus, non tantum in Ecclesia prius modis, sed semper. Ip-
 se est qui Ecclesiam regit cum suo uicario, & Episcopis, ob id
 D. Petrus eum appellat pastorem, & Episcopum animarum nos-
 trarum. Ipse cum his qui miracula operantur adest. In Actis
 In nomine Iesu Nazareni surge, & ambula. Cum sacerdoti-
 bus baptizati. Nunquid Paulus crucifixus est pro uobis, aut in
 nomine Pauli baptizati estis? Cum Confessarijs ipse peccata
 remittit, cum sacerdos non uisit ut ministrat, eius autoritate
 sanatur. Cum Pradicatoribus loquitur, qui legati sunt Chri-
 sti, ut Paulus ait an experimentum queritis eius qui in me loqui-
 tur Christus? Ipse confert gratias, per Sacramentorum colla-
 tionem; Ipse uisitat per inspirationes, communicat consolatio-
 nes;

Ex Christi
 sup
 Eph. 2.
 Ex Christi
 Ascensione &
 gloria manet
 etiam nostra
 gloria.
 + 1. mo
 .hidl
 .coloff. 2.
 Educia erga
 Christum
 Heb. 9.
 .1. 1. 1. 1. 1.
 .4. 2. 1. 1. 1.
 Matt. 28.
 A Christo
 proueniunt
 magna dona
 in Ecclesia.
 Ephes. 4.
 1. Pet. 2.
 Actor. 3.
 1. Cor. 1.
 2. Cor. 13.

RO-
 IANUS

nes; Denique Christus est in tota Ecclesia omnia in omnibus; Vide quanta gratitudine respondere nos oporteat tam munifico benefactori, & Regi tanta maiestatis, & tanta in nos charitatis. Post omnes alios locos vitimus sic eiusdem Christi aduentus ad iudicium vniuersale. Ex quo primum argumenta sumi possunt ad Christi maiestatem agnoscendam, quoniam qui in tanta humilitate venit in primo aduentu, in secundo venturus sit cum potestate magna, & maiestate tanta, vt dicatur sint iurij montibus, cadite super nos, & abscondite nos a facie sedentis super thronum, & ab ira Agni, vnde Paul. Omnes stabimus ante tribunal Christi, scriptum est enim, vno ego dico Dominus quoniam mihi flexerunt omnes genua. Quae maiestas Christo debetur ob suam humilitatem, & passionem, ideo idem hoc mortuus est & resurrexit, vt & viuentium, & mortuorum dominetur. Et ipse Christus Dominus, dum proximus morti coram impio iudice adstaret, dixit videbitis filium hominis venientem in nubibus cum potestate magna, & maiestate. Deinde hinc argumentari licebit, quod maxime debeamus, & timere Christum, & amare. Ad timorem excitant scripturae saepe, Ioan. in Apoc. Timete Dominum, & date ei honorem, & gloriam, quia venit hora iudicii eius. Et iterum in flamma ignis dantis vindictam iis qui non nouerunt Deum, & non obediunt Euangelio. Et apud Malachiam, ecce dies veniet succensa quasi caminus, & erunt omnes superbi, & omnes facientes impietate stipula, & inflammabit eos dies veniens dicit Dominus exercituum, qua non relinquet eis radicem, & germen. Item ad amorem, & fiduciam boni animantur, vnde subdit idem Malachi ibidem, & orientur vobis timoribus, nomen meum sol iustitiae, scilicet Christus, qui sicut sol faciet diem gloriae clarissimum, & sanitas in peccatis eius, id est in aliis ob summam Christi agilitatem, qui perfectam salutem animae, & corporis bonis exhibebit. Quare recte subditur, egredimini, scilicet de sepulchris, vos timentes nomen Domini, & salietis, ob dotem agilitatis iam liberati a mortis vinculis, salietis inquam de sepulchris ad montes viuentium caelestes. Sic Paulus de reliquo reposita est mihi corona iustitiae quam reddet mihi Dominus in illa die iustus iudex, non solum autem mihi, sed & his qui diligunt aduentum eius. Ad patientiam, & longanimitatem in aduersis hortatur D. Iacobus. Patientes igitur estote fratres vsque ad aduentum Domini, & affert exemplum agricolae expectantis fructum laboris, & subdit, ecce iudex ante ianuam afficit. Denique oportet ex hoc

Ex Christo iudice quae argumeta sumamus.

Apoc. 6.

Rom. 14.

Ibid.

Matth. 26.

Christus Iudex, qualis erit ga bonos & malos.

2. Theff. 1.

Mal. c. 4.

2. Timot. 4.

Cap. 5.

Christi iudicis aduentu hortari omnes, vt ad hunc eius aduentum parati sint, nec illi malo seruo similes inueniantur, qui dicebat, moram facit Dominus meus venire, & vacabat ebrietati, & conseruus percutiebat; sed ex improviso adueniens Iudex, posuit partem eius cum hypocritis in stagno ignis, & sulphuris: Et hoc est illud Pauli; Si nos ipsos diiudicaremus, non utique iudicemur a Domino. Denique ad opera misericordiae maxime hic locus valet, cum in his praecipue, Iudex nos examinaturus sit, & secundum ea sententiam laturus.

Matth. 24.

1. Cor. 11.

Matth. 25

Nomen Christi, & Iesu, & Christianorum. Cap. XV.

Quoniam haec pars quam modo tractamus de Christo copiosa est factis, ac summi momenti, non praeteribo, & alios locos, & admodum graues. Sit ergo hic primus locus Christi nomen, quod Graece ab vnctione sumptum est, ipse autem Saluator noster, tanquam Rex, ac summus Sacerdos vnctus est, non quidem vnguento materiali, sed Spiritu sancto, sicut ipsemet Christus de se apud Isaiam testatur, Spiritus Domini super me, eo quod vnxit me, & apud Daniele dicitur vnghendus vt Sanctus Sanctorum, & de eo canit Psalmista, vnxit te Deus, Deus tuus oleo latitiae. Hinc argumentum sumitur, quomodo post Christum currere debeamus, suauitatis eius mira fragrantia tracti, & alleci, quemadmodum teste D. Basilio, solent columbae, aliam sequi columbam, vnquento quodam ipsis grati delinitam, & poterit anima, quae eius odorem praesenserit, post eum clamare, trahe me post te, curremus in odorem vnquentorum tuorum, Haec autem sunt illa vnquenta, vt D. Bernardus explicat, quorum fragrantia maxime delectatus dicebat D. Paulus qui factus est nobis a Deo, Sapientia, Iustitia, Sanctificatio, Redemptio. Secundo a Christo vncto argumentari oportet, nos qui Christiani a Christo dicimur, tanquam vncti, debere de eodem Christi spiritu participare, prout recte Paulus ratiocinatur, qui Spiritum Christi non habet, hic non est eius, & D. Iohannes; Vos ait, vnctionem habetis a sancto, & nostis omnia, hoc est, a Christo Spiritum habetis qui docet vos, & vt eandem vnctionem conseruemus subdit, Vnctionem quam accepistis ab eo maneat in vobis, & Vnctio eius docet vos de omnibus. Hanc autem vnctionem, & sperare a Christo, & precibus impetrare debemus, siquidem hic ipse spiritus, est sicut vnquentum quod descendit vt dicitur in Psal. primum quidem

Christus vnctus qua vnctione.

Isa. 61.

Dan. 9.

Psal. 44.

Cant. 1.

Serm. in Cant. 10.

Et 12. Itē

in festo S. Magdal.

Rom. 8.

Ex Christi vnctione quod colligitur pro nobis.

1. Ioan. 2.

Psal. 132.

in ca-